

## STORIE E RACCONTI SANDONATESI DEL XX SECOLO

*Mi son de S.Donà. Città di S.Donà di Piave – gnent pi che un paesot del Bašopiave crešù in premura in sti ultimi ani. Un tempo ghe iera na via principal, na cesa, el Munizipio e tanta campagna torno torno – un liogo bonificà da aquitrini, paù, biši, moscati, aque malsane, mataria.ecc., a scuminziar dai primi del 900 e portà a termine dal fašismo (ma questo no se-pol dir). Ła mataria łà-é stata debetada intorno al 34-36 de chetaltro secolo e tuta la bonifica łà-é diventada un camp fertite e produtivo. Po, a paertir dai ani 60 circa ha scominzià te invasion: prima co i teroni (che a so dir i- n'ha portà la “civiltà” – ma forse i- se sbaliea co “malavita”. Ha tacà dopo co ‘l est europeo: albanesi e romeni, zente feroce, rišosa, pericolosa (ma des, a distanza de tempo, i- s'ha un fià calmà. I-é diventai un fià pi civili). A seguito se scominzia a vedar cinesi: quanti che i-sie, coša che i-fae, nišuni sa: mai che i- se mate, mai che i-more. Dopo ‘l-é el turno dei arabi marochini – zente inestardia co te so tradizion e co la so religion che no łà-amete scampo. Anca questi: coša fa-ti? Misteri de Lurdes. A seguito vien i bangladeš: tanti, tanti, da par tut. Na risorsa! Lori no i-é in Italia, i-continua a ešar neła so tera e sen noialtri i foresti. E des é el momento dei moreti: in bicicleta co zaineto, rigorosamente co scufiete a te rece e co smartfon in man i gira de storneton de qua e de là. Cušì va la vita! El ceto de un tempo el-se dividea in contadiname e borghesia baša co poche ecezion ma ghe iera pi “umanità”; al contrario des s’-ha tut uniformà, apiatì, se vede muvare persone senza qualità ndove che imperversa egoismo, individualismo, edonismo sfrenà. Mi no ho pi vinti ani, e vive squasi de ricordi inte sta me cità che stente a riconošar – sempre pi granda, sempre pi imbrutia ndove che i cambiamenti i-é sempre pi rapidi e sviłenti e sti ricordi vui metarli-zo su la carta, cušì come che i- se me presenta, de geto, fà lampi, par quant ancora che la memoria ormai vecia anca queta, łà- me ti concede.*

## A E NA STORIA LONGA

San Donà i a a fatta deventar na città ferma. anzi me par che a va indrio, l'impression che a sie deventada puareta de testa no de tacuin. I pi responsabii i e i nostri amministratori. Mi fae na anaisi sol tempo, parche' vendo diversi anni posse far pragoni, col passà e col presente, forse quei de dess el passà no i lo a vissù. Par scuminziar e case de ianni zinquanta e sessanta e iera fatte de mezza piera, e porte e e finestre e iera fatte coi scarti del legname de Papa, (che a iera na segaria), e e vegnea tirae su tra el sabo e a domenega, iutandose un co chealtro, a che l'epoca quasi nissun vea el garass parchè macchine ghe ne iera poche al massimo te vea un ripostilio o un sott scaea ,par mettar na bicicletta , che a e deventada un motorin a rueo , o na vespa o na lambretta, iera anni che se vea un sac de mureri, de faegnami de grezzo e da mobii ,pittori de fin o da calzina data su co a pompa, se vea favari che i vea e man de oro, i podega farghe e zate ae mosche par dir, e se vea meccanici , tornidori, carpentieri par tutte e necessità e no parlen de sartori e dee sartore, che in ogni casa ghe ne iera una, e tanti altri picui lavori che ancuo i e sparii, no desmentegen el spizier, el biavaron, quel che vendea coeoniai, e el nonzoeo che le sat sostituio daa corente elettrica. E tanti altri che a fat deventar na grossa realtà San donà.

Fin otto nove anni fa, se iera el centro pulsante de territorio, ma mi dise che da quando che i na portà via e frecce a inizià el decadimento no que de i indiani ma el treno che nol ferma pi quà ma bisogna ndar a Portogruaro, mi chee poche volte che e ma occors par dispet son ndat a ciaparle a Mestre. E questa e una dee tante, par i anni passai, se vea na importante mostra del bestiame de tutte e varietà de vacche cavai piegore mussi e porzei e e gaine, da tutte e region. Nalto fior all' ocel a iera a mostra dee macchine agricole che a ciapea tutta via C.Battisti co tutte e novità par l'agricoltura. Se vea a pi granda mostra dei vini essendo zona de vigneti, in pi a pi grossa cantina social de raccolta de a ua, anca questa come a mostra a e sparia. Adess par impinirse a bocca i a ciama a cantina dei talenti, invenze el talento lo vea vu chi che la vea costruia. E

no ver savù farla continuar, tant che serando questa, sa ingrandì quee che iera cantinette, naltra grossa reatà che iera a Papa e a Kriza do fabbriche che esportea persiane ( No femene ma tapparee) in tut el mondo, e vea de pi de do mie operai (sparie). Tornado a tempi pi recenti da ricchi che se iera diventai, se iera rivai a ver trenta banche, pareva de essar a Ginevra, co e rivà a crisi ghe ne restà quattro zingue e qualche sportel , e sparìo e banche e anca i schei. Però co sta crisi stranamemte a popoeazio a sa arricchio, e casette de mezza piera e e deventae ville co ogni confort, bagni su ogni stanza co rubinetti de oro che no i li toca par no assarghe e impronte, meio no lavarse. Se te iera sior e importante , so a terra dei Papa i à fatt el vllaggio S. Luca te podea costruir gran ville co beissimi giardini e piscine a sfioro, tant da far e sfide su chi fea a villa pi bea. Però adess me par che sen ndati fora del seminato, e automobili insieme ae crociere e altro, i tee propone intanto che te si drio magnar, dai uncuo dai doman i te convinze, e ti te dise vutu che no se posse cambiar macchina, ma na macchina un fià bona dise che ghe vol minimo vinti mie euro, cioè sarie quaranta milioni de lire, na volta na cifra cussì gnanca no te a ciapea in considerazion, adess te a compra senza batter zeia. Però se te vol distinguarte ghe vol na Mercedes, o na Audi o na BMW. Però se te vol essar al top ghe vol un SUV Pors caienn, che però adess le stat soppiantà dai grossi SUV Giaguar, Maserati e i vari Reng Rover che pi grossi de cussì no i podaria essar, questi i sari nati par ndar su i posti pi inaccessibi, invenze noaltri i doparen par portar a scuoea a tor i tosatei o ndar al bar, sempre neti e guai se i a un granel de polvare. Però stiquà i a anca a casa al mar a barca e a casa in montagna so e zone pi in. Tornen a noaltri de na certa età, intanto se pol ringraziar el signor de essar ancora qua, in discreta saeute e na pension da sopravivenza, e tanti pi sfortunai i e za ndati via. Però mi son attento sol spendar, e naltro che le massa attento e el le el nostro comune, par che nol ghe ne eppie, e si che schei el ghe ne tira su tanti, parmi no i boni de amministrar, anca parchè i lavori che ie drio far e a nova viabilità i e fatti co finanziamenti europei, e co stà nova viabilità , no i a fatt altro che allontanar e macchine dal centro, e lu vien evità e cussì el soffre e e botteghe e sera. Mi varde quando che schei no

ghe ne iera el comune el fea tant, in istà i fea do tre opere in piazza, el cinema all'aperto in agosto, qualche cantante de grido o qualche complesso conosù, semppre in piazza. Aa fiera na volta che e possibiità no e iera tante se vea a pesca de beneficenza, e i metea in palio come premio final na moto e na cinquecento, e par finir na ricca tomboea. Col ricavato i mandea in coeonia i tosatei, par ultimi i foghi e vegnea su tutta San Donà. (pi Fatti). I podaria farse insegnar dai veci come che i fea. Adess ne resta sol el marcà al luni, che ormai el le in man dei indiani dei cinesi e banglades, noaltri pian pian se cede e attività, e lori i avanza. Dopo ven el sabo a Km 0 de verdure carne, vovi, verdura vin , e miel ,e piante da balcon. Mi dise stoquà le un bleff. Ma vol dir che va ben cussì. Ne e restà al sabo de ogni fine mese i ghe ciama mercatino dell' antiquariato (roba vecia). Ven anca a festa de primavera de piante e fiori che a riese semprea metà, parchè i espsitori i preferise ndar da naltra parte, (no ae sentia) o mal organizzada. Mi dise ne a me incompetenza, se el comune el metesse in conto do euro a abitante sen quarantamie, ecco saltaria fora subito ottantamia euro. Satu spettacui e foghi che te podaria far? Ma forse a par semplice , ma invenze e diffizie farla. Però i foghi i me e restai sul goso, parchè i o sempre visti da quando che iere toosatel, e adess i me manca. Mi poc tempo fa ho domandà come provocazion, sto anno se vede i foghi? , i ma rispost se te vol vedar i foghi te va a Venezia, a Jesoeo a Noventa, al PioX , a Givanni 23 , in Fiorentina , a Cesanova. Ma incentro a San Donà nò. Mi forse pretende massa, e i ma rispost co na rima in italian, voi che criticate le opere nostre, fatele più belle a spese vostre. Scuseme se son stat longo, ma ma varia tante altre storie da contar, par ades basta cussì.

E storie del presidente

El carbonasso desso ghe mancava – el carbonasso che se ha messo in quella testa de bigoli de piturar de nero na fassà che dà in fundamenta, qua a Buran, figurarse! Quei pessestrachi de la Comun me lo ha mandà da mi parché mi lo fassa tratar co sta banda de linguasse che nanca desso che i-ze tuti tera da bocali, no i-ze boni de star quetti, figurarse, ma el Municipio, duro come un murasso, elo diže (e no ‘l-ha nanca torto) che ze i veci buraneti che pol di de sì o de nò, parché le case piturae ze roba sua, e lori ha dirito de dâghe al nero ‘l okei o de mandarlo a pissar de stravento; e mi cussì m’a cato in terso, Cristo de na Madona! Quela olta ho sbajà – no dovea; mia muger me avea dito: “Nane, cojon, no stà dîghe de sì a fâ el guardian de la busa par quatro schei che ti- li pol ciapar co na man de schife!”. No dovea, nò, mona che son, e tutto pa no ndâ pì par acqua a rosegarme i polmoni int’el cafigo. “Làssa la barca, làssa la barca – i- me disea – el guardian de la busa ze el mistier par ti che cussì te-pol tirâ el fià – qua a Buran un paro de morti, tre su un mese se la-va storta, roba de meza ora co la ruspa che cava, mete, cuerze e s’ciao, ti te- ghe pianti na crose e po via in riva co la tó cana a far ora e vantar mažanete, figurâsse!”.

Cussì i- me avea ditto, e mi ghe son casuo, do olte mona, parché sti qua i-sarà difunti – come a Venessia i-ciamà i morti, lori sì che sa vivar anca da morti. Ma cossa me importa a mi se šerti, che ze qua par monae, i-ciapa tuto su la ponta del piron, sempre dâsse dosso, uno pi sbocafon de chefatro. Miga tuti, se-capisse, ma ze quel s’ciapo de baldasse che fa par tuti. E le femene? Šerte par de le maranteghe, pezo de i omeni: note e di a scortegar sul peocio par cavarghe la pełe e mi – do olte mona e tre desgrassià – a šercar de metar pase, de tinirli boni, che no i-fassa sentir, che no se-sapia che a Buran i morti no voł savê de garanghefi e star quetti come tuti i morti de sta tera.

Qua, ninte da far, qua tuto un catabrighe, ancuo parché la mé fundamenta no ze na scoassera, geri parché diese ani fa la tó barca me ha lassà in tera, é-lo parché a mio fiosso el- ghe ha dato del “buelo”, o le done par destirar sul fero...toca mi, toca ti, Camoma! A ti te cavo i oci se no te- ghe la moli de forbirte la boca pa portar la šimada, ma Cristo! Propio desso che ze rivà sto šimioto de nero, pa la question de le fassae piturae che dà in fora...el rosso ze mio parché la vela del trabaccolo de mio bisnono gera rossa e mi, višin de mi, no voggio na giossa de žało, ti co ‘l tó maranto te-va in całe de tó pare pistor che no ha mai veduo nanca el pagiol de na barca e vanti vanti...– la Nina pa la fassà de vioła che ghe fa el verso a la sua, Bertołeto che no ghe la moła de menar pa le scandole la Gigia che co ‘l só verdin fa scampar i cocali, Žuan che sberega parché Cacciari avea promesso de metar ordine su le piture de Buran e qua no se- lo ha mai veduo, e desso che ze rivà el Bosega, tuti a fâ un bordeło de la małora, parché el Bosega no spetea altro che de venir in busa par saltarghe dosso a

suo compare, quatro cofani pi in là, che lo vea fatto beco e sputanà disendo che se sua muger no piturava de naranša la fašà, eło sempre imbriago da ciaro a scuro no catea la porta de casa.

El Bosega, se-poł capì, a eło desso el muro piturà da sua muger ghe dà el samoro, e qua in busa su sta storia del Bosega beco che voł copar suo compare da morto, tuti a métirghe boca.

Mi come fasso dîghe a sti qua de sto muso nero che voria trovâ na fašà da piturar de nero come eło, bisognaria che Žaneto spissier, che ze un studià, me dasse na man invesse de star in canton sempre šito co la scusa che eło ze morto e eło no va in giro a far el morto che parla. Žaneto ze queło che su le fassae piturae de Buran ghe ne sa pi de tuti i buranełi de geri e de ancuo, eło ze na spessie de padreterno, che anca el padreterno, pa queło, òcio se na volta el-verzesse boca.

## 2

Subito he pensà: me tagio 'l afar se a Žaneto no ghe tiro-su na crose nova al posto de queła vecia che eło ha sul stomego. El spissier la prima parola che'l-ha tratto – tuti šiti come tombe, parché i-credea che eło fusse muto, e pa mi come che eło me avesse tirà-fora dal buregosso. Ma figurâsse se ze durà! Ze megio che me lo tegna 'l afar. In strucco la-ze ndaa cušì.

El spissier ha tirà-fora un discorseto sorafin su la storia che anca un nero, dopo tuto, ze un omo piturà come naltro, e se a Buran na fassà vestia de nero no se-ha mai vedua, cossa voł dî: na remissiada de tinte podaria anca ndar ben co la “globassion” che tira in sti ani, e po la democressia ha da esse sora de tuto, cušì, pa dâghe na risposta a sto nero che voria fâsse buraneło co sua muger su na casa tirà a tocio de sepa – “Femo tra noaltri – eło ha ditto – na beła referenda”.

A sto punto ze saltà-su come un bisatto el Bosega, pa dî che eło, la só casa, che desso gera svoda, eło ghe la dea a gratis al nero, e che eło se la piturasse anca pi nera del carbon, cušì ndea persa pa le velme la storia de só compare trogion e de la carampana de sua mugier (co rispetto parlando, parché la dona ze morta da un toco e brusada a S.Michel).

“Ho capì – se ha messo de mežo queła pittima de la Teresina – ma come fassemo sta “referenda” se semo qua inciodai tra quatro tofe. E par la praivaci? Come la metaressimo co la praivaci, fin che i-pol metarte na receta anca qua in busa?”. “Boca in seco – ha ditto calmo el spissier – che se se-voł se-poł”. E ciamandome pa nome, eło se volta a tuti e dise: “Nane guardian fà el giro de le buse, slónga la recia, scólta!”. Tuti ghe dise la sua e eło fa in tera un strisso: na crose nò, un bigoło sì. Po se-conta crose e bigołi e bona note.

“Bona note un casso!” – se ha messo a sbereggar un tarabara rivà fresco fresco geri – pa mi , a Buran, un nero nanca morto!” Figurarse, ze partio un bordeło da no capì pi ninte, tuti che sighea, besteme e porcassi: “Buran ze Buran, nò foresti, sì al nero, copàlli tuti, ninte “refernda”, qua no se-imbarca neri, ciamémo Cacciari, Cacciari métielo, el spissier lâsseło ai só patachei, el spissier ze un dottor e vede ciaro, pa mi eło no vede na madona, qua ninte muri tirai a morto, ma vardé che a Buran na punta

de nero faria fin, vero ninte, aqua in boca peocioso, nièghete ti e i tó morti!”...e vanti vanti de sta anda fin note.

Mi a sto punto me son tirà sul porton e su i paraori de fracarghe el caenasso: “Ciavai – ghe ho sigà – ndé tutti in mona da vostra mare”.

#### CONSIDERAZION DE UN VECIO OLMO CHE I-VOL ABATAR

Son un olmo che 'l-ha oltre 60 anni de età, ma de preciso no se-sà, e quando che se-podarà contar i aneli del me tronco, vorà dir che son stat stroncà co na sega e abatù. In tut sto tempo son sempre stat qua, che pi in centro de cusì no se-podarie star, son proprio dadrio del municipio, di fronte a la Piazzetta Franco Pilla, che mi ho vist passar da sindaco tante volte, e anca tutti chealtri sindaci fin a adess , e spere de vedarghene ancora compresi i sandonatesi che é passà e quei novi che passerà. Essendo sempre stat qua quasi nissun me fa caso anca parchè son restà da mi mi-sol, tra mi e mi dise: come mai son ancora qua? quando che tuti chealtri i-é stai taiai par far posto a le macchine – a proposito, me par che le-sie tutte nove e de vece no se- ghe ne vede pi, me ricorde de quando che i-ha taia i olmi de via Libertà, che i-vea la me stessa età, e i-è stati sostituui co quercie canadesi, ho sentio che pararia che i-tornesse a cavarli par far posto a novi marciapie, a piste ciclabili e novi albari, e me ricorde anca dei platani in via Jesolo e quei in piazza 4 Novembre, quei de via Gorizia e de via Dante, i-vea tutti la me stessa età; co la scusa che i-iera pericolosi o parché i-iera massa grandi o maiai, tutti i-é stati taiai, e quei del foro boario anca lori patani o massa alti o pericolosi o maiai , i-é stati sostituui co novi platani, proprio in sti giorni é spario naltro do alberi in via Garibaldi poc prima del semaforo, no so che problema che i-vea, sta defatto che no i-é pi. Na me coetanea (na gazia) che la-iera su i arzarini difronte a la trattoria dei Tati, col ciclun la- s'ha rebaltà dal vento forte, forse la-vea la chioma massa granda che la- ghe volea regolada... E vegnen a mi, savendo de ver anca na certa età varie bisogno de na bela regolada a la me chioma, sarie ben par mi e par quei che sosta sotto co la macchina, e tutti quei che me passa sotto, no vorie che lassandome cussì poc curada vegnesse un temporal che me fesse cascar qualche rama grossa, magari senza far danni, e i-trovesse la scusa che son pericolosa. I me sessanta anni mi me li sente e el destin co mi 'l-ha avù un ocio de riguardo fin dess, e dato che son rivà fin qua, voria, se possibile, andar ancora pi in là e vedar passar magari naltro sindaco e dopo naltro ancora...e tanti sandonatesi de dess e de doman e vedarli passar tranquii sotto de mi e un saludo a tutti.Elvecio olmo el-spera nel doman

EL PRESIDENTE

## IN GRAVA IERA UN CANTIER NAVAL DEE OFFICINE STRIULI

A motonave CITTANOVA a e stada costruia sol cantier dee officine dei fradei Strui in goena del Piave e da i so operai, che da tanti che i iera el pareo un formigher in movimento. Sta disen ciamada nave, che a volta a pareo un coeosso de ferro, e par i sandonatesi se pol dir un vanto ver un cantier naval in riva al Piave. Sta nave a iera stada commissionada dai fradei Pietropoi, el so lavoro el iera tegner verti i canai de Venezia aea navigazion, avendo diverse draghe che opereo in laguna. Tornando aea nave a iera posirionada dentro aea goena , co a prua verso l' arzare e el dadrio verso l'acqua . El cantier el iera servio da na discesa in terrabatua, proprio in corrisponzenza de a riva da nane (a saita che porta so a strada par Grisoera), questa a servia par portar e lamiere de fero sagomae col cret col caval dae officine che e iera poc distante al cantier in riva. Sto scafo el iera costruì co tutte lamiere imbrocae a caldo.

Na volta finia tutti sepetea el giorno che a vea da ndar in acqua, finalmente e vegù el giorno del varo, le stat un avvenimento, se pol dir che iera presente tutta San Donà , iera presenti tutte e autorità e che el ga dat na soenne benedizion le stat el Monsignor Saretta arciprete. Tutti a spettar che a entresse in acqua, intanto te sente uno dise massa ferro no a pol gaeggiar, naltro dise a se revessa, naltro ancora el dise a va a fondo subito, invenze el varo el va benon, a gaeggia, tutti a battar e man e applaudir, e a turno tutti contenti i e montai su par farse a fotografia ricordo. Intanto a fea bea mostra ormeggiada in riva par essar finia.

Na volta ultimada i la a provada in Piave e pareo che a ndesse ben, ma quando che i e ndati fora in mar i a scoperto che el motor no vea forza, el iera masa piccoeo par cha barcaà la. I ga cambià el mtor co uno pi potente e pareo che a ndesse ben. A e stata costruia par trasportar merci aa rinfusa so a so stiva, esempio legname , carbon, granaglie e tut quel che a podea caricar. Subito sa manifestà che a pien carico in mar a iera instabile, a e riusia a far quattro zingue viaj da Venezia a Trieste e ritorno, però a iera sempre instabile e lenta. A stiva de carico no a iera coverta ,(forse par sparagar) e questa a e stata a causa, trovandose col mar gross e a stiva

Commentato [P1]:



scoverta, l'acqua entrea dentro, tant che in poc tempo a e affondada. Questa a e stata a fine de a nave Cittanova, e del cantier naval che là serà, e sol spiazzo che iera restà i tosati zoghea al baeon.  
De a nave e del cantier no se ghe na sentì pi parlar.

Storie del presidente

## RECUPERANTI IN GRAVA E IN PIAVE

Noaltri finia a guerra se vea do paeombari in Piave che i recuperea ferro, rottami e bombe e tut quel che iera finio dentro co do guerre mondial. Che vea l'attrezzatura da paeombaro iera do fameie, e ogni giorno i opreea sul fondo del Piave tirando su de tut. Noaltri in piazza ogni tant se sentia un forte scoppio, voea dir che i vea fat scipar qualche bomba par recuperar el piombo el rame, i iera materiai preziosi par l'epoca. A San Donà se ve na fameia che a iera se pol dir speciaizzata sol disinnescar e bombe, e pi grande che e iera pi soddisfazion i vea, so a grava del ponte de a ferrovia ghe ne iera tante e de tutte e misure che no e vea sciopà, no centrando el ponte. Un giorno te sente un boato che pi forte de cussì nol podea essar, dopo poc e ciacoe e corre, e i dise a e a soita fameia che a iera drio disinnescar na grossa bomba de aereo che no a vea sciopà, e uno de lori el ira drio svidarghe e cavarghe a spoetta, e lu par lavorar meio el iera a caval doparando el martel e el scarpel. A un zerto punto a bomba a sciopàda e lu che el iera a caval le stat disintegrà, qualche toc de carne i lo a trovà su par i alberi tant lontan. De sta fameia de recuperanti el pare lavorando so e bombe el iera restà senza na gamba e senza na man, e par cmminar ghe voea e crozzoe e lu el iera stat fortunà de essar ancora qua, invenze so fioi a turno disinnescando e bombe i e saltai tutti par aria, L'unico che sa salvà le stat el pi zovane, parchè so un scoppio, par caso el

iera pi lontan e el sa salvà, però le restà orbo (se se pol dir), purtroppo questa a e a storia dei recuperanti.

Mi vee un amigo, el iera talmente speciaizzà che el ghe fea consueza ai carabinieri, che quando vegnea segnaeà el ritrovamento de na bomba i ciamea lu, e lu savea dirte se te podea toccarla oppur ciamar i artificieri. El iera veramente prudente. Purtroppo par massa confidenza, el iera drio portar na bomba in mezzo ai campi par poderla disinnescar, la vea sicura in braccio, questa lo a tradì, e su un lamp le sparì.

### Storie del presidente

#### EL PONTE DE LA VITTORIA LA QUASI ZENTO ANNI

El pone dea Vittoria l'ha quasi zento anni ma dopo tut no li dimostra, mi pense che gnanca lori che i o vea progettà no i savea quant che el podea durar, tant pi che e le stat progettà quando che el compiuter i vea ancora da inventarlo, un so fradel tat pi zovane de Genova che el se ciama come el cantante "Morandi", un anno fa le croeà, colpa de uno o de chealtro o de staltro, sta de fatto che e vegnù fora quarantatre morti e danni incancoeabii. Mi in casa no posse parlar parchè i dise che me agne sempre, e che no me va mai ben gnent, quando che dise che par far un marciapie in via Ancillotto ga vossù come un parto, nove mesi, i me dise moeghea, cussi son obligato a pensaar tra mi emi e nissun sente. Tornen al ponte, da quando che me ricorde i a fatt tante manutenzion in tutti sti anni, però se le ancora qua vol di che aea Breda i a lavorà ben senza specuear e magnarghe sora. Me ricorde na quindesina de anni fa el ponte el vea bisogno de na manutenzio e de essar ripittuà, parchè el iera devetà ruzene, el lavoro i ghe o vea commisionà a un architetto che no son bon de dir come che el se ciama, el a un cognome diffizie, oltre ae manutenzione el ga fat dar do coeori ceeste ciaro e ceste pi scuro, no so se el se riferia al cel o all'acqua, però l'acqua del Piave a sempre verde, però col tempo sti do coeori sa uniformà a causa del freddo del caldo e de a piova, el tempo

lo vea brusà e el iera diventà grigio.

L'anno passà i a fat un appalto par farghe manutenzio ai giunti e ripitturar tutte e arcate, no me ricorde quanti euro el sie costà.

mi pense che questo el sie el coeor uficial dei ponti de ferro. Sta operazion a e durada quasi un anno e mi a o classificada come na impresa ti o visto piangere. Fortunatamente che in origine a struttura a e stata calcoeada ben, parchè da subito passea sol che caretta trainai dai cavai e qualche bicicletta e qualche rara automobie, invenze ai nostri tempi passa mieri de macchine , e camion da mie quintai, lu e el resiste el vibra ma nol se rompe, là na struttura ben fatta, mi dise che a e a nostra torre Eiffel messa in orrizontal, longa dusementovintizinquemetri, approposito de a torre Eifel mi a prima volta che a o vista son restà mal parche me a vee sempre immaginada un coeosso de ferro, invenre ma dat l'impression che a fusse fatta de lamiera imbroccada. Mi essendo pensionato e no conte pi gnet dopo ver dat tut, quando che parle me par de dar fastidio, ormai naltro sen in via de estinzion e se no se va via in modo natural e se par caso te straparla, e i a possibiità i te iuta a morir so na bea casa de riposo che nissun te vol ben anzi, allora e proprio a fine, eora bisogna resistar come che fa el ponte ,e lu si che el resiste.

Considerazion del presidente

Commentato [P2]:

Commentato [P3R2]:

Commentato [P4R2]:

## E NOSTRE FONTANE

A S. Donà fontane de pregio no se ghe na mai vu anzi i ghe ciamea pompe, a fontana artesianiana de piazza Indipendenza a e datada come fine ottozento, a iera quasi al centro de a piazza, na vasca de piera de do metri de diametro rotonda a pavimento, con un tubo al centro che el se dividea in do getti de acqua dentro a vasca de raccolta questa a servia a tut el centro, se pol dir par lavarse (poc) e da bevar e par far da magnar anca parchè acqua no ghe ne iera, quando che i a costruio el monumento a Giannino Ancillotto a e restada proprio aea base e a iera diventada parte del monumento, tant che so e fotografie dell'inaugurazion se a vede ben al centro, però quando che el pozzo el sa esaurio e acqua no ghe ne vegnea pi fora e a fontana a e stata cavada e qua a e finia.

A seconda fontana quea de via Aquileia anzi a nasse come fontanea che se pol farla risair a stessa epoca de quea dea piazza, anca questa a soddisfea el fabbisogno de acqua de a zona, e e femene e ndea a tor l'acqua che ghe ocorea co e mastee e col bigol, fora de quei che vea el pozz a casa (i iera siori),dato che a iera so a strada a servia anca a abbeverar i cavai che i trainea i caretteri che i rivea o i ndea fora S.Donà anca el caretter el se rinfreschea ma el ghe ne bevea poca parchè l'acqua immarzisse i pai, e lu ghe piasea de pi el vin , da senmplice fontanea col tempo a e diventada na vera fontana incastrada aa base de arzarini co na costruzion in piera povera, ma nel so complesso a vea un certo pregio l' acqua a vegnea. fora da na bocca de leon incastrada so a parete, (questa a stata salvada quando che i la a demoia e dopo ae stata ricoeocada so a nova costruzion che se vede anca dess) e l'acqua a vegnea raccolta sotto so na vasca de piera questa a a sempre funzionà fin ai gioni nostri e anca dopo speren. Na trentina de anni fa a e stata completamente restaurada a spese del Soroptimist co proprio un bel restauro. I so zento anni a li portea ben e a varia possu andar avanti no so par quant tempo ancora, se no fusse rivà na testa fina foresta, che col intento de riquaificar i arzarini, e a fontana invenze de salvarla i la a stritoeada co do potenti tanaie de un gross demoitor, a e stata ricostruia co a stessa forma sol che a e fatta tutta de na pasta (plastica) e posizionada poc pin la de dove che a iera. nissun la varda anca parchè se vede che le un stamp, però ai do lati i ga creà do muri de

acqua a getto continuo. che se i funzionese ben i varia anca un bel effetto però raramente i funziona tutti do, se va uno no va pi chealtro, par completar l'opera d'acqua sol piano parcheggio do vasche de tutta a lunghezza, anca questa a va co a vol a causa de foie e de sporchezzi vari o e resta secche, se vede che va ben cussì.

Vegnen a a na fontana che a varia vu un fià de storia, quea de a pescaria (no a e pi)al so posto e stat mess un ulivo, in origine a saria stata progettada come erbaria l'intento iera de far rivar tutte e verdure de a zona par vendarle ai sandonatesi saria stat el primo supermercato a Km 0 come che se dise dess, però come erberia no a e andata e a e stada girada in pescaria ecco che a fontana che iera al centro a servia par lavar el pesse che varia comprà i sandonatesi, nei anni del dopoguerra in pescaria iera anca el marcà dee cicche questo le durà fin quando che ae sigarette i ga mess su el filtro, comunque questa a e naltra storia. Quando tutti i stabii de a pescaria i e stati ristrutturai compresa a piazzetta a fontana no a stata pi messa al so posto anzi a e sparia, par apparir al magazzin comunai, forse e stat meio cussi, parchè se i la vesse messa in qualsiasi altra parte a saria stata piena de lattine o de scoazze, oppur a souzion a saria stata quea de impinirla de tera e farla deventar na vasca de fiori, però a fontana se no sen boni de curarla meio che a stae la.

Naltra fontana a e quea de piazza Trevisan che a e dei anni 30 in stile littorio costruia daa ditta Poita in cemento bianco bugnà, a a sempre buttà poc parchè i disea che a varia consumà massa acqua e co a poca circoazion a iera sempre piena de lanizz, dopo tanti anni a vea bisogno de essar restaurada, invenze col novo restauro che e stat fatt a e stata stravolta e a a pers a so identità, quasi no se a vede parchè a stata perimetrada da un bel roseto curà e tegnuo da sostegni de acciaio inox, de effetto le el grosso getto central che el funziona sempre, però in sti tempi se assiste a na nova viabità de a pizza e pararia che a fontana a intrighesse, e magari spostarla verso a farmacia su un posto che no a ghe intrighea ae macchine (speren de nò), quando che a e stata fatta, de machine a ghe ne vedea passar o sostar una ogni tant no come des che a e afisiada.

Vegnen aea fontana de a piazzetta delle Grazie a forma ottagonai a e stata fatta quando e stat rifat a pavimentazion de a piazza, a fontana fatta nova e dopo rifatta a pararia nata vecia acora ades a va e no a va. Co a costruzion de a zona pedonal de Corso S. Trentin a aea fine proprio di fronte aea villa De Faveri e stat fat na fontana rotonda, che a serve da spartitraffico a vea un bel getto e a vea luci coeorate de sera, però de inverno el vento el fea

ndar fora l'acqua e a se ingiazea creando problemi al traffico,.ecco che i la serada par no verzarla pi, e par risolvar, a soeuzion a e se a impinisse de terra se mette dei sempreverdi e fiori de staion risolto el problema.

Naltra fontana quea dea zona dei istituti a a forma de un libro, dentro so a so vasca te pol trovar de tut anca na bicicleta , fora che l'acqua ma se piove forte se vede l'acqua stagnar, fortunatamente che e l libro che a rapresnta le serà, parchè se el fusse stat vert no se savaria cossa che se podaria trovar dentro.

Al parco fluvial e stat fatt na gran fontana a pavimento, co alti getti de gran effetto quando che a funziona, però quando che riva a piena del Piave e a allaga el parco e se impinisse a fontana de fango, e cussi no a funziona pi.

E vegnen aea fontana del campieo che quando a a costà massa de manutenzion anca qua i a pensà de trasformarla in aiuoeca piena de fiori. In piazza Indipendenza co a nova ristrutturazion de piazza e stat fa na longa vasca a pavimento che par tegnerla in ordine a a bisogno de cambiarghe spess l'acqua e ogni mattina col schiral cavar e foie che casca dentro e e carte che voea dentro, questo va ben parchè davanti al Municipio che a e a casa de tutti i sandonatesi sia net e a posto sperando che sto netar no devente massa dispendioso che da na fontana longa a devente na longa aiola, peccà che sul dadrio come tuti i dadrii e robe se e abandona, ven na fontana seca che a a bisogno de essar netada e riattivada ,

Concluden pensando ai romani che de fontane i ghe vea tante za domie anni fa. de acqua no i vea problemi e se i ghe ne vea i li risolvea pensen che e e rivae fin ai nostri giorni ,ALTRA CULTURA,mi pense a quanta terra ghe varia vossu par impinir tutte e fontane de Roma.

Conclusion evidentemente noaltri par e fontane sen negai.  
el presidente

#### LA VIA GIANNINO ANCILLOTTO VISTA DA LU DAL ALT

Giannino dall'alt quando che la vist a via che aa lu i ga dedicà par i so meriti de guerra, medaia d'oro al vaeor e medaia d'argento par ver salvà Treviso dai bombardamenti dai areoplani austriaci.Mi dise se fusse

ancora vivo, vista a larghezza de a via (squasi tredese metri), e de lunghezza de pi de a me pista de voeo che vee dadrio aea villa in mezzo al vigneto, varie aterà col me aereo e me varie fermà e sostà proprio davnti aea cesa, e magari ndar anca a messa, son sicuro che me amigo monsignor Saretta el saria stat contento. Tegnèn presente che mi durante a guerra me son acort che i austriaci i vea n occupà a me villa, e pena che ho possù me son alzà in voeo e son ndat a bombardarla co lori dentro e distruserla completamente, finia a guerra a o ricostruia pi bea e pi ricca de prima. Spesso nissun me vede ma mi vae a far un giro par el parco e entre anca in villa co tutti i bei ricordi che vee, e me pianze el cuor a vedarla svodada e abandonada, dopo passe par l'angar e me par de vedar ancora l'aereo che el vea ancora picà su i tochi de tea del Drachen che ho buttà zo co do razzi incendiari a Rustignè, cussì son dat so a covertina de a Domenica del Corriere con un bel disegno de Beltrame, e che altro in fianco tut rot che mi sol aterar son rivà maeamente, e son dat in mezzo ae vide e me son capotà. Ho un ricordo dei Orfei in villa, me par che i vesse da far anca un zoo dentro al parco, e sol angar ho vist che i ricoverea e carovane. Aproposito anca lori a Moira e so marì, i e vignui su da noaltri no tant tempo fa. Qua sen in bona compagnia, e no ve dise quanta zente che e qua, mi ho tutti i me amizi piloti e tutte e medaie d'oro, me amigo Gabriele, el Duca d'Aosta, Diaz, Badoglio, el re co a regina, Baracca e prfin el poro duce co i so seguaci, che mi so a tera varia un conto in sospeso co lu insieme a tanti altri, ma qua no se sa, se se vol tutti ben, e sen in pase, e naltro mondo. Pero' quando che incontro i veci trevisani, parchè quei novi no i sa chi che son, da quando che ho salvà Treviso dai bombardamenti aerei austriaci che ogni notte i fea morti e distruzion in città, e nissun iera boni de fermarli, fin che na notte i mà comunicà che do aerei austriaci iera drio dirigiarse a bombardar Treviso. Mi me alze in voeo col me aereo e vae in caccia, e notte e un scuro che no se vede gnent, strumennti no ghe ne vee, mi ndee a istinto, e uniche robe che se podea vedar iera i tubi de scarico rossi del motor o qualche lingua de fogo dai scarichi. Chea notte i o butai zo tutti do, uno lo vist cascar no so dove co na

vampada de fogo, a chealtro go lancià n'altri do razzi e le cascà dentro al Sil. Da quel momento i austriaci no i a pi bombardà, e Treviso a iera salva, e cussi i ma dat a medaia de argento. I trevisani i me e sempre stati grati, e lori che i e espansivi par natura, co i me vede a e na baraccada. Tornen a a me via, pena fata a iera na strada in tera batua e co poche case anca misere parte par parte, e dopo deventar una dee vie pi importanti co so larga strada asphaltada e ricchi condomini e parte par parte. A a anca avu ne a so storia tre teatri el Verdi l'Astra e el Metropolitan e un cinema progresso me par za tant. Mi dal alt vede un via vai de corriere, e no ghe ne parlen dee macchine, pararia che tutti ghe ne vesse una, invenze ai me tempi, a macchina a vee sol che mi e qualche altro sior. Mi vee na grossa alfaromeo scoperta, e vee anca l'aereo, emi me par che valtri sandonatesi no e nissun che lo a, anca se me par che e possibità no e manche, dato che me par che zerte automobii e coste de pi de un aereplano, forse manca a passion. Ho vist che in gennaio i a scuminzià i lavori so a me via, e sui marciapie e mi dal alt vede che i a fat segni zai par tera, e che i ghe fa far ae automobii na bisca boboea, mi co a me alfaromeo no so se sarie stat bon de passar. I me dise che i vol mettar anca albari ai lati, no sò dove che i podaria starghe. Però secondo mi me par che i lavori vae par e longhe. Quando che a sarà finia de zerto no podaria pi aterar col me aeroplano, me contenterò de vardar dal alt come che fae sempre. Dall'alt ho viste el me soenne funeral in piazza Indipendenza, co tutte e autorità, e tutte e medaie d'oro vive, me ricorde ben quando che e stat inaugurà el me monumento, che el dovaria rapresentar l'aereo, però mi sente con un fià de ironia i o ciama pitona, mi me ricorde ben quando che i a pavimentà a paizza, e poc tempo fa i a tornàa rifarla e spostarme el monumento poc pi vanti, me par adess de esser pi importante co i quattro pennoni dee bandiere davanti, e ogni primo del mese vien fat l'alza bandiera co e autorità e a fanfara dei bersaglieri o a banda dell' Oratorio e rappresentanti del esercito. Tegnen presente che so e me ae e montà su tutti i sandonatesi, grandi e picui magari na volta soea. Adess son deventà internazional so e me ae vien su anca russi, slavi, albanesi



,rumeni,tedeschi e negri se sepol dir, e ades va su anca el bangladess. Poc tempo fa e vegnu su da noaltri anca Ennio Mazzon che lu par mi el vea un ocio de riguardo ne i me confronti,tanto che el disea che i el sa adoperà par farme mettar' a posto a tomba in zimitero che a vea bisogno de manutenzion e incadenarse al monumento parchè no i lo spostesse,pero' no lo a fatt. Me par che come al soito chi che riscia magari a vita no le gratificà, anzi val pi quel che ciacoea e del suo nol mette gnente, che uno che se mette in zogo. Na roba che me rosega dentro che nissun sandonatese el se eppie ciappa a cuor a me villa col parco par magari farla rivivar ai fasti dei me tempi no so se se podarà.-

dal'alt Giannino